

Nuoraidcealkámuš – Sámi girkobeivvit 2025

Mii, sámi nuorat Sámi girkobeivviin 2025, ovddastit golbma oasi Sámi njealji oasis. Mii rohkadallat iežamet oappáid ja vieljaid ovddas ruošša bealde, ja livččiimet sávvan sin sáhttit leat dáppe minguin.

Buot girkuide davvin, máddin, nuortan ja oarjin: Buot sápmelaččat leat okta álbmot, ja vaikko mis leat iešguđet gielat, de mis lea seamma olu árvu go eará olbmui, nugo lpmil lea sivdnidan min.

Mii háliidivččiimet beassat leat ieža buot girkuin, beroškeahtta gos ležžet.

Dat mearkkaša ahte olmmoš árvvusadnojuvvo go beassá geavahit sálmmaid ja Biibbala iežamet gillii, beassá juoigat eanet girkus ja go girkus leat olbmot geat máhttet lohkat buot sámegillii, seamma láhkai go dárogillii. Mii jáhkkit dán leat mielde huksemin buoret oktavuoda gaskal olbmuid ja girku.

Olles Sápmi árvvusatná Trefoldighetskirken go lea váldán vuostá min ja dorjon min Fovse-demonstrašuvnnaid oktavuodas Oslos, ja maiddá riekteproseassain main lea leamaš sáhka aktivisttain geat dáistalit olmmošvuoigatvuodaid ovddas. Mii sávvat girku ain doarju min boahttevuoda dáistalemiin olmmošvuoigatvuodaid ovddas.

Min kultuvra lea badnojuvvon oktii riikkain. Riika lea min kultuvrra vuodu oassi, eai ge sáhte leat ráját gaskal eanavuoigatvuodaid ja kultuvrralaš vuoigatvuodaid. Danne Ruota girku ferte leat ovdamearkan vásttolaš vuovdedoalus, mii árvvusatná eamiálbmotvuoigatvuodaid, dálkkádaga ja luondduvalljivuoda. Duohtavuoda- ja soabahanproseassa lea ain ođas ja rašši, ja go váikkuha vuovdenjáskamii, de dat sáhtta dagahit buhttekeahtes vahágiid girku ja sápmelaččaid gaskii.

Mii háliidit deattuhit ahte eai buot sápmelaččat leat luhteránalaččat. Suoma beale Sámis leat nuortalaččat geat eanaš leat ortodoksalaččat. Ortodoksalaš girkus Suomas leat erohus váttisvuohta, go nissonolbmot eai beasa leat báhpat eaige diakonan. Nugo metropolihtta Ambrosius gieskat lea dadjan, de lea áigi Suomas vihahit vuosttaš nissondiakona ortodoksalaš girkus. Dát lea leamaš lohpi eará girkuin guhká, ja lea unohas go lea mannan nu guhkes áigi ovdal go leat dan muddui ahte sáhttit hállat dán birra. Nugo Kristusa rumaš, de mii berret buohkat adnojuvvot ovtaárvosažžan, ja danne dásseárvu berre leat oinnolat buot osiin girkus. (1 Kor 12,12–26).

Mii leat ilus go Biibbal jorgaluvvo iešguđet sámegielaide, ovdamearkka dihtii julev- ja máttasámegiel biibbal- ja sálbmajorgaleamit. Seammás mii háliidit deattuhit ahte buot sámegielat leat seamma dehálaččat, ja ahte gáibiduvvo eanet bargu. Mii ain oaidnit dárbbu ollstit biibbaljorgalemiid buot sámegielaide. Nuortalašgiela dáfus lea váivi go ádjána nu guhká jorgalit Biibbala.

Sámis eai leat ráját, danne mii dárbbášit rájáhis girku. Norgga, Ruota ja Suoma girkut váikkuhit nubbi nuppi, ja dat fertjit ovttasbargat hábmet ollislat girku Sámis. Mii ávžžuhit din buohkaid ovttasbargat.

Duohtavuoda ja soabaheami proseassas lea hui unna erohus gaskal suhtus ja bahčavuodas. Soabaheapmi ja luohtamuša odđasis huksen ii leat álo dat seamma go ándagassii addit ja vajálduhttit. Mii leat ain bahá go girku vealahii sámi álbmoga ja mo girku lei mielde Sámi koloniseremis. Dát ain čuohcá dálá sámi nuoraide. Muhto mii biehttalat eallit bahčavuodain. Mii fertet gávdnat vugiid eallit viidásit, ii dušše girku dihtii, muhto iežamet dihtii, sámi álbmoga dihtii. Mii háliidit láidestit iluin, čeavlivuodain, givrodagain ja vuostálastinfámuin. Eallit viidásit ii mearkkaš vajálduhttit vássánáiggi.

Mii háliidit:

Eanet luodi ja sálbmálávluma sámegillii
Ahte girku ain doarju min olmmošvuoigatvuodaid
Vásttolaš vuovdedoallu
Dásseárvu min girkuin
Biibbaljorgaleamit buot sámegielaide
Eanet ovttasbargu riikarájaid rastá
Ahte girku dohkkeha ja guldala min

Nugo čuožžu 1. girjjis Timoteusii: «Ale divtte ovttage badjelgeahččat du iežat nuorravuoda geažil.»
(1 Tim 4,12)

Allet hilggo min oaiviliid. Mii váldit iežamet saji!